

## **SKIM PELABURAN AHLI**

### **TUJUAN**

- Skim ini membolehkan ahli memindahkan sebahagian simpanan Akaun 1 untuk membuat pelaburan bagi menambah dan meningkatkan simpanan persaraan untuk menyara kehidupan semasa persaraan.
- Ahli boleh melaburkan simpanan tidak melebihi 30% daripada jumlah yang melebihi **Simpangan Asas** dalam Akaun 1 melalui Institusi Pengurusan Dana (IPD) yang dilantik.
- IPD yang diluluskan di bawah Skim Pelaburan Ahli adalah terdiri dari Syarikat Pengurusan Unit Amanah, Syarikat Pengurusan Kumpulan Wang dan Lembaga Tabung Haji.
- Syarikat Pengurusan Unit Amanah memberi ahli pilihan untuk pelaburan mereka dilaburkan di dalam Unit Amanah.
- Ahli juga boleh memilih untuk pelaburan mereka diuruskan oleh Syarikat Pengurusan Kumpulan Wang secara mandat persendirian.

### **SIMPANAN ASAS**

Simpanan Asas adalah satu jumlah simpanan dalam Akaun 1 yang ditetapkan mengikut umur bagi membolehkan ahli memperoleh simpanan minimum sekurang-kurangnya RM228,000.00 ketika berumur 55 tahun dan simpanan ini tidak boleh dikeluarkan sebelum ahli mencapai umur 55 tahun. Kadar Simpanan Asas ini ditanda aras dengan pencen minimum pekerja sektor awam bersamaan RM950 sebulan untuk tempoh 20 tahun dari umur 55 hingga 75 tahun

Jadual Simpanan Asas adalah seperti berikut :-

<b>UMUR (TAHUN)</b>	<b>SIMPANAN ASAS (RM)</b>	<b>UMUR (TAHUN)</b>	<b>SIMPANAN ASAS (RM)</b>
18	1,000	37	60,000
19	3,000	38	66,000
20	5,000	39	72,000
21	6,000	40	78,000
22	8,000	41	85,000
23	10,000	42	92,000
24	12,000	43	100,000
25	14,000	44	108,000
26	17,000	45	116,000
27	20,000	46	125,000
28	23,000	47	134,000
29	26,000	48	144,000
30	29,000	49	154,000
31	33,000	50	165,000
32	37,000	51	176,000
33	41,000	52	188,000
34	45,000	53	201,000
35	50,000	54	214,000
36	55,000	55	228,000

### **KELAYAKAN MEMOHON**

- (i) Warganegara Malaysia; **ATAU**  
 (ii) Warganegara Malaysia yang telah membuat pengeluaran di bawah Pengeluaran Meninggalkan Negara sebelum 1 Ogos 1995 dan kemudian memilih untuk mencarum semula dengan KWSP; **ATAU**  
 (iii) Bukan warganegara Malaysia yang ;
  - Menjadi ahli sebelum 1 Ogos 1998; **ATAU**
  - Mendapat taraf Penduduk Tetap (PR)
- Ahli belum mencapai umur 55 tahun pada tarikh permohonan diterima oleh KWSP; **DAN**
- Ahli mempunyai simpanan Akaun 1 yang melebihi jumlah **simpangan asas** sekurang-kurangnya sebanyak RM3,333.34.

### **SYARAT-SYARAT PENGELOUARAN**

#### **IPD Yang Dibenarkan**

- Semua pelaburan yang dibuat hendaklah melalui IPD yang dilantik. Untuk mendapatkan senarai terkini IPD yang diluluskan, sila rujuk Senarai Institusi Pengurusan Dana terkini yang boleh diperolehi di laman web KWSP.

#### **Kekerapan Pelaburan**

- Pelaburan boleh dibuat setiap tiga bulan selepas tarikh permohonan terdahulu, tertakluk kepada baki yang ditetapkan dalam Akaun 1.
- Pelaburan seterusnya boleh dibuat dengan IPD yang sama atau IPD lain yang dilantik. Hanya satu IPD sahaja yang dibenarkan pada satu masa.

#### **Penambahan Pelaburan Menggunakan Wang Sendiri**

- Ahli tidak dibenarkan membuat pelaburan tambahan menggunakan wang sendiri.

#### **Tanggungan Risiko Pelaburan**

- Ahli bertanggungjawab sepenuhnya ke atas pelaburan yang dibuat dan KWSP tidak akan bertanggungjawab ke atas sebarang kerugian.
- Ahli juga diingatkan supaya membaca dan memahami secara menyeluruh Prospektus Dana daripada IPD sebelum membuat keputusan untuk melabur di Syarikat Pengurusan Unit Amanah.

#### **Pengembalian Wang Pelaburan Kepada KWSP**

- Ahli hendaklah mengembalikan semua amaun yang dilaburkan (termasuk keuntungan) kepada KWSP sebaik sahaja amaun pelaburan tersebut dijual. Amaun yang dikembalikan akan dikreditkan semula ke Akaun 1. Ahli tidak boleh mengeluarkan apa-apa amaun ('no leakages') daripada jumlah yang dilaburkan di IPD.

#### **Dividen Tahunan KWSP Atas Amaun Yang Dilaburkan**

- Ahli tidak akan memperolehi sebarang dividen yang diisyiharkan oleh KWSP ke atas amaun yang dilaburkan.

#### **Jika IPD Yang Terpilih Terkeluar Daripada Senarai IPD**

- Pelaburan ahli dengan IPD ini perlu dijual dan dikembalikan kepada KWSP oleh IPD tersebut.

#### **Bayaran Perkhidmatan**

- Tiada bayaran perkhidmatan dikenakan oleh KWSP.
- Walau bagaimanapun, ahli adalah diingatkan bahawa terdapat bayaran-bayaran yang dikenakan oleh IPD kepada ahli yang melabur dengan IPD.

#### **Pelepasan Kawalan Ke Atas Pelaburan**

- KWSP akan melepaskan kawalan ke atas pelaburan ahli di IPD apabila ahli mencapai umur 55 tahun atau mengeluarkan semua simpanan ahli di bawah Pengeluaran Meninggalkan Negara, Pengeluaran Hilang Upaya, Pengeluaran Pekerja Berpencen dan Pengeluaran Kematian.
- Tuntutan atau urusan penjualan semula ke atas amaun yang dilaburkan adalah di antara ahli / waris dengan pihak IPD.

#### **Penamaan**

- Amaun yang dipindahkan kepada IPD tidak tertakluk kepada penamaan yang dibuat oleh ahli. Bagi ahli yang meninggal dunia, amaun yang dilaburkan akan dilepaskan kawalannya oleh KWSP. Bayaran kepada waris ahli akan dibuat oleh IPD mengikut undang-undang yang berkaitan.

#### **Pemegang Akaun Simpanan Shariah**

- Ahli yang telah membuat pilihan ke Akaun Simpanan Shariah hanya dibenarkan untuk membuat pelaburan ke Unit Amanah dalam produk Patuh Shariah yang disenaraikan oleh KWSP berkuatkuasa pada 1 Januari 2017.

### **AMAUN PELABURAN YANG LAYAK DIPINDAHKAN**

Ahli boleh memindahkan amaun simpanan seperti berikut :-

- Sehingga 30% daripada jumlah simpanan yang melebihi Simpanan Asas dalam Akaun 1
- Jumlah minimum amaun pelaburan adalah RM1,000.00
- Formula pengiraan:  
(Akaun 1 – Simpanan Asas) x 30%

### **KAEDAH BAYARAN**

KWSP akan memindahkan amaun pelaburan yang dipohon daripada simpanan ahli secara terus kepada IPD.

### **DOKUMEN UTAMA**

1. Borang Permohonan KWSP 9N (AHL)  
Borang KWSP 9N (AHL) boleh diperolehi daripada IPD yang dipilih oleh ahli untuk tujuan pelaburan
2. Kad Pengenalan Diri  
• Mykad / Kad Pengenalan Tentera / Kad Pengenalan Permastautin Tetap (MyPR); ATAU

- Kad Pengenalan Polis **DAN** Surat Pengesahan Majikan menyatakan no. Polis dan no. Kad Pengenalan Diri merujuk kepada orang yang sama (jika tidak memiliki MyKad/ Kad Pengenalan Polis yang tidak tertera no. Kad Pengenalan Diri); **ATAU**
- Pasport. Jika ahli bukan warganegara Malaysia yang menjadi ahli KWSP sebelum 1 Ogos 1998.

KWSP berhak meminta apa-apa dokumen tambahan dan menolak mana-mana permohonan yang tidak lengkap dan tidak memenuhi syarat yang ditetapkan.

## PERHATIAN DAN MAKLUMAN KEPADA PEMOHON

- Skim Pelaburan Ahli ini adalah pilihan ahli secara sukarela. Ahli dinasihatkan menyemak baki simpanan Akaun 1 dan kelayakan pelaburan terlebih dahulu sebelum mengemukakan permohonan serta **melengkapkan satu borang permohonan sahaja** bagi setiap pengeluaran yang dibuat.
- Sekiranya maklumat ahli dalam rekod KWSP tidak lengkap atau tidak sepadan, ahli akan dihubungi oleh IPD untuk berurusan dengan KWSP bagi melengkapkan Borang Permohonan Pendaftaran Ahli dan Pindaan Maklumat (KWSP 3).
- Pemindahan amaun pelaburan ahli adalah tanggungjawab ahli dan pembatalan permohonan yang telah dihantar melalui IPD kepada KWSP adalah tidak dibenarkan.

## CARA PERMOHONAN DIHANTAR

- Permohonan perlu dihantar melalui mana-mana IPD yang dipilih dengan mengemukakan dokumen yang ditetapkan.
- Pihak IPD akan mengemukakan permohonan ahli kepada KWSP untuk diproses.

## NOTA AMARAN

### Kegagalan Mengembalikan Amaun Yang Tidak Digunakan Bagi Maksud Pengeluaran

- Sekiranya pemohon tidak menggunakan bayaran pengeluaran bagi maksud pengeluaran dibuat, pemohon dianggap telah melakukan kesalahan dan jika disabitkan boleh dipenjarakan selama suatu tempoh yang tidak melebihi enam bulan atau didenda tidak melebihi RM2,000 atau kedua-duanya [Seksyen 58A, Akta KWSP 1991 (Pindaan) 2007].

### Membuat Kenyataan Yang Tidak Betul Atau Tidak Benar Atau Mengemukakan Dokumen Palsu

- Sekiranya pemohon memberi kenyataan yang tidak betul atau tidak benar atau mengemukakan dokumen palsu, pemohon dianggap telah melakukan kesalahan dan sekiranya disabitkan pemohon boleh dipenjarakan selama suatu tempoh yang tidak melebihi tiga tahun atau didenda tidak melebihi RM10,000 atau kedua-duanya [Seksyen 59, Akta KWSP 1991 (Pindaan) 2007].

## PERTANYAAN

Jika ahli mempunyai kemusyikilan atau memerlukan maklumat lanjut mengenai skim ini, sila hubungi :-

- Mana-mana cawangan KWSP yang berhampiran
- Pusat Pengurusan Perhubungan KWSP. Tel: **03-8922 6000**
- Maklumbalas Pelanggan, <http://enquiry.kwsp.gov.my>

Sila nyatakan nombor KWSP atau nombor Kad Pengenalan ahli dan jenis pengeluaran yang dipohon apabila berurusan dengan KWSP. Ahli juga boleh melayari laman web KWSP di alamat [www.kwsp.gov.my](http://www.kwsp.gov.my) bagi mendapatkan maklumat lanjut mengenai jenis pengeluaran KWSP dan panduan umum kepada ahli.

*Anda Keutamaan Kami*